

擇

石

齋

持

集

藕石齋詩集卷第三十八

秀水錢載坤一

九日集馮大司寇獨往園登高主人詩先成次其韻

涼風初落霧旋輕黃菊猶含碧半晴我意早成圖畫趣此間  
端有嘯歌聲岑樓遠岫來西面老伴深杯約外城多謝年年  
定相見不妨語語太慙生

聚奎堂早起

十度槐顛落三場院又臨風天疎雨點蘇地暮秋陰未善孫  
吳術無輕甲乙心

皇謨徹邊徼二柄待人任

奉和皇十一子晚秋池上四首

御苑遵天路 書房治道心  
灣灣三面水 澹澹九秋陰  
累土爲山迴 安橋過岸深  
仰惟雍正歲 栽植久成林

貽厥

先皇澤繩其我

聖心紫蘭分露色 翠竹列雲陰  
水自瀠洄靜 山真窈窕深  
午餐廚已就 芝菌采于林

詩禮儒生業 丹鉛作者心  
陳修本

家法黽勉在 分陰淡照霞邊麗  
涼波雨後深 憑欄諷佳什  
笙鶴下瑤林

濠濮非莊叟 軒窗得遠心  
風多天與力 霜薄地留陰  
進德頻消息 論文互淺深  
來年盛春物 相賞偏芳林

奉酬 履郡王見贈之作謹次韻

職趨黃閣本凡儔 恩許經帷厠俊流

大獼鸞旗從上塞高齋桂樹接涼秋茶香書味中邊徹玉色  
金聲耳目謀最說綵牋題不盡強將枯管數入聲難酬

寄湯學使先甲粵東二首

月夕傳杯卻霜晨拜疏尋迴翔丹地再 春注紫霄深置傳  
雖承乏崇賢豈嗣音遙瞻閨冬色已憩老榕陰

南海人知學從容播化齊五層樓獨上九曜石先題所願江  
梅發他時竹杖攜白頭呼粵使綠醞問梁溪

十一月朔日冬至

園丘禮成三日雪恭紀二首

仁

孝馨香感于今四十年梟孫以從侍

主極肇精虔

今歲侍

上命諸皇子壇觀行禮

和樂羣生上光華

大帝前求寧惟有德繩

祖

意淵然

繁霽逾積玉廣野等鋪金

祖澤

天誠祐

前光後克歆占豐適三白

錫瑞見初心明日迎

慈輦恭惟

萬福臨

四日

上自

春暉堂奉皇太后安輿進宮

題游昭秋林醉歸圖

太平書畫供

宸娛 賜出 內府親賢俱 皇十一子嘗拜

賜紹興短卷游昭圖樹身圍大人莫抱樹頭葉沉墨與塗亂  
沙隔渚天且晚長坡逆風草未枯一牛不叱亦不驅一童貫  
鼻牽不趨前蹠右翻後左蹋牛背人醉秋模糊朝衫佝僂坐  
成夢芙蓉花插紗帽烏城遙村近忘相及山澹雲濃看若無  
其時紛紛誤朝議此老兀兀非酒徒殺辦橫飛不可掣江淮  
直北何由蘇昭家常鄰京口塢負藝頗向錢唐湖李晞古名  
竟能踵陸務觀語良不誣天人學探赤水珠郭椒丁櫟奚所  
須鼓鞭借之上春隴載也識字耕田夫

奉和 履郡王最上乘雪興最上乘  
閣名

日澹層檐自愛冬午晴難放曉寒重苑西時玉來清氣座上

天花少定容粉蛺蝶飛藏凍雀碧芭蕉敗壓高松茶鐺熟後  
爐香靜鄰剎旛飄未報鐘

丙申

潞懷園所居

東近御園前園猶故相傳略培高阜樹添種廢池蓮牆短  
山橫黛門深柳待絲呼名有鄰鳴只少櫺頭船

蔣京兆賜榮修北臺之會馮相國有詩追懷劉文  
定襄文達及家文敏因用其韻

百年難負蹋青鞵薔菜花黃才子偕破夢人猶前度約迴腸  
句已後時懷湖陰樹暖煙生郭欄曲歌長月到階飲酒被純  
訪服食白頭相見便爲佳

晚入法源寺至海棠處感徐太守作

兩年不到寺中行高閣依然夕照明  
令鶴歸歸亦恨莊生蝶夢夢翻驚  
投園駘宕支筇瘦傍砌娑拖跡影輕  
天壤自來芳草語大都牽惹爲平生

上巳日飲檀樂草堂前海棠花下作歌

今年先期再三約主客齊祝花之辰  
花如人願早遲恰天假花緣寒暖均  
濛濛前日雨灑靡盎盎昨日簫吹鄰  
今朝見花竟絕倒三日果然天氣新  
百千枝迴擎花搖十萬花妥擁樹嬌  
香玉瓣肥脂蕾嫩殷鮮朵簇重蕤  
翹橫生斜出錦帷做濃拖低顫苔茵  
掠青幔覆架亭方而花安之花向陽  
全身花看亭裏坐大杓酒汎花前狂  
年年團團此草堂草堂之醉爲海棠  
我今醉與海棠言我家江外江有園  
紫藤絡榆白練翻紅醬瀉露青莎繁  
豈無好樹輕懸旛但非老本高當軒  
他時



得歸定相憶來日且往常過存一杯今復澆花根哉生月上  
初黃昏

題徐孝廉以坤海棠樹間小影七首

讀書嘗共裏湖邊堤上桃花三十年兩鬢疎疎風浩浩不如  
君作海棠顛

白堤花接燕隄栽不少紅棠佛寺開踏省門來書券去年時  
拋撇去還來

簇簇川紅樹樹新餘不溪窈岸斜鄰勸君穩向巢間住柳絮  
榆錢誤卻春

負鼓吾今也作場郭郎鮑老一郎當如何廿四番風信獨讓  
春光占海棠

法源舊句感無涯君又恆河與算沙老去比年難一醉內城

花事仗馮家

粉香脂色春復春兒女心情始是真夜雨曉來寒一陣可無  
側臥捲簾人

芳樹聊爾托芳心石牀孤坐吟復吟絕出風流都不記許昌  
廳後小亭深

孝廉不  
能飲酒

題陳檢討填詞圖

款云歲在戊午閏三月廿四  
日爲其翁維摩傳神釋汕

髯也維摩擲洲管敷茵藉地肩非袒回看妙女捻瓊簫芭蕉  
葉坐吹之緩是月閏三春不短禪人狂寫騷人誕拋盡南唐  
西蜀心看成減字偷聲伴碧雞金馬方洗兵公車待詔開鳳  
城想見搜材遍巖穴千載一遇古莫京髯公江東詞是名題  
者同徵多傑英盛朝采擢關文治芳翰流連晤友生百年  
百年觀此卷花陰花陰吾數

八聲

展就中浙西六家孰先之絕

愛小長蘆賦摸魚兒豈知後來鉛山蔣家曲賽得前邊洪昉

思

洪題南曲七首乾隆辛巳  
蔣辛翁題北曲十一首

南苑恭賦

一百六十里土牆四周方遙山何坦迤西北牆頭蒼安驅放

馬蹄獨立收馬韉青天南去迴寒食東風長馬駒

橋名

水之委

鹿圈

村名

苑之央三海子所注一畝泉來旁其上涼水河其支

草橋鄉又支廣恩寺

滙而東泱泱東至小紅門門西入于牆

潞河受馬駒苑之經流詳右安門大堤北紅門夕陽稻田數

十頃初墾倍豐穰累土連爲山西北東低昂下卽涼水河環

環氣象昌苑中路分植植路皆綠楊有牖穿綠楊有寺開紅

棠

舊衙老槐高東旭羣鴉翔恭惟順治年蒐獵茲其常亦

越康熙年

新衙西關廂

兩朝樾蔭深萬株煙露芳鬱葱際南衙築濬勤我

皇雲罕泣行獵

安輿恭奉將我

家法至肅我世道長康昨者平金川告功闕里行迺

命皇子孫校獵于苑良春草竟野鋪春旗小隊颺朝焉矢逐  
兔晚焉火發鎗斯文戒柔弱日強振紀綱磐石以爲宗鞏固  
平苞桑試登瞭鷹臺土脈觀沙岡

宛平王氏懺園戊辰嘗文讌于此後海鹽明府丈  
如珪自施南太守歸居之春日訪舊賢後人出接  
感賦以贈

蕪菁滿地樹遮門廿九年來客尙存廉吏可爲遺半宅故家  
不墜占荒園論交勝國先公託枉駕名山妙句煩

文貞公未第日訪先侍御于慈

仁壽  
有詩

海上棠陰堪德庇所憑玉友與金昆

增壽寺柰花兩株

走看柰樹近相招宣北坊西散寂寥日暖風輕雙玉雪藥紅  
花白萬枝條成林卻憶陶弘景添種無煩郭四朝名字老僧  
猶不識半天香氣灑經寮

德壽寺海棠丁香已謝牡丹初開

栽栽寶鼎發祥煙順治鐫題十七年名卉紛敷冠南苑好  
春次第供西天袂衣摺扇紅廊外濃露暄風碧砌邊但啜新  
茶輪舊醺任飛蝴蝶漫唬鵲

法源寺海棠

曾見枯株又見栽花應笑我白頭來黃塵幾車埋黃壤佛樹  
依然傍佛臺東院輕陰西院暖十分好句百分杯遊蜂戲蝶

干何事落去傷心只翠苔

題園居

一月不來此槐榆陰各成牆頭短草動池面圓荷生淡泊客  
三徑優游書百城南風宜得雨坐覺乳鳩鳴

平定兩金川詩十二章

謹序

乾隆四十有一年春二月西師征兩金川大功垂定既列爵  
酬庸

皇上至孝至敬謁告

東陵是日紅旗飛馳攻克噶喇依賊巢報捷于桃花寺行  
在筵徼以平于是謁告

西陵旋

蹕南苑慶惠春敷恭奉

皇太后安輿祝

釐岱宗遂告成

闕里還京將士振旅至

皇帝迎勞于郊臺既獻俘

廟

社大告成功

御午門受俘五月之吉恭加上

聖母皇太后

徽號慶賀禮成頒

詔天下羣臣咸力誦

聖德垂示無極臣惟金川之乞降赦罪既平於十四年矣乃

其遺種相噬相戕負恩抗顏又陰相狼狽三十六年七月

王師之加蓋極於不得已我

皇上如天好生固未嘗欲復加之兵也今者伏讀

御製平定兩金川告成大學之碑至矣哉敷天臣民共見之  
聖心一無所飾而於辭不費夫以山川險峻架入爲艱

誥誡師行且備見於

宸章諄切籌其萬全本非遙制機宜上體屬在將軍迨未

勝則頻告以勢難中止事殊不易旣勝則屢戒其不可矜滿

罔或懈疎今者大功將軍參贊領隊諸將士之力實惟我

皇上肅將五年慎如一日之

聖心克以成之蓋息息心操

天

祖鑒之矣夫是以

命將至再先則趨拉速定後則促浸全收勁旅偪圍悉皆擒



獲有適符乎

神算所必周者顧猶兢兢於勞衆心惻始終不欲以此揚赫  
濯紀勲烈則今日之頌

天子大功祇以贊

聖人小心也

臣職趨

禁近殫竭易毫謹撰古詩十二章拜

手稽首以

獻其詞曰

川之士司桃關以外度竹索橋水紆山大趨拉促浸遺種之

兩十數年來反覆惚恍已巳非遙首戴

皇仁而何辜恩仇殺其鄰我之士司皆欲安枕矧是維州謠

惡萌已稔然猶需之屢迫其悛終不可悛辛卯乃加兵焉

章一

二十句

乃分西路屢攻屢前乃改南路硯卡屢摧堅壬辰仲冬既克

美諾又取布朗郭宗僧格桑幾縛初時

聖算第征趙拉魯母令竄入促浸師難中休料而必中索諾

木匿之黨惡而抗命乃移師殛之

二卷一十六句

西路功噶爾拉南路當噶爾拉西收昔嶺改塗雪風颯

簡派八旗軍中奏止綠旗飄飄險憑崎義當噶精整允壯國

威翁古爾壘全師以歸乃

授將軍副兩將軍京兵迅赴加以吉林索倫定西之印愛星

阿所佩今以佩阿桂得勝斯在改兩路重進癸巳季冬收復

趙拉不日從容

三卷二十四句

促浸去保縣五百里餘重山陡仄有兩巢穴以居勒烏闡鼠

之巢噶喇依蠆之穴瀘河經其中皮船曲折春開雪紛揚旗

如雲

命將軍西路心一軍分南分兩路兩副將軍

四十一句

天聲丕振西克谷噶南克馬尼

十一句

宜喜與絨布三路後相濟

將軍雄武先克羅博瓦得促浸門戶又克色泐普喇穆喇穆

屢進疊鉦鼓摧其默格爾摧其康薩爾木工思噶旋圮三年

未竟功一日收矣兩副將軍日旁盡收況收遜克爾宗後路

先籌既夾河西東乃下壓上騰夜入勒烏圍中秋月漲紅旗

至木蘭

大獬龍乘

五十二句

天聲丕振進克西里先登科布曲連奪雍中寺

十一句

圍噶喇依

一穴聚蠟自破勒圍其母姑來降大頭人來降今斷水陸賊

其日恐惶况掃獨松况掃馬邦環攻火攻軍合不可當賊羣

夜叫出降求活二月四日兄弟男婦生擒無一脫已已之救

詔受爾降至德我

皇如天好生

無非切

今爾惡盈自底滅亡

六章二十六句

鞏我

祖

宗丕基申謝于

陵至德其承維

皇帝德維

聖母福茂綏百祿敬哉祝

釐升于岱宗惟福祿萬年萬年其從敬哉告成先于闕里

惟文章萬國萬國其理寶稼登舟頤適

慈躬德州遵陸旋

蹕其同

七章一十八句

維

聖母福維

皇帝德春風蔭我官我士我民我兵

蹕路所經 仁施愜其情由所經推未經免租普草豈惟直

隸豈惟山東遠且及江南豈惟免田租東州縣且免漕 仁

如天壽八章一十七句

郊臺良鄉

皇帝親勞將士得勝蘇雲翔如庚辰禮

陳將軍參贊等得勝蘇雲

等行禮庚辰年定回部知勞于此乃升

御幄上將肅前禮行抱見

家法所永傳 凱歌大鳴羽騎鏗鉦

聖人所自作天地中聲

賜御馬以厯上將介胄入朝更吉衣龍繪藻繡獻俘

廟

社係組闕下旗旄魚雅

皇威正陽斗魁文昌曜靈天光

九章十二句

維

皇帝德維

聖母福崇上

徽稱萬年進祝進祝萬年金書玉鐫惟

寧維

豫至愛拜虔萬國之咸上及太清五福之康以介

壽寧利建侯行師易占既有譽以悅以怡以奉

慈豫

十章一十六句

皇帝大聖龍德中正馨于

天

祖萬方以是撫是兩金川功仁涵義秉其動也靜靜以俟之  
謙以受之惟

神算其有之保我川民師行川境先後免田租惟蒼黎是省  
鴻文三碑

聖武懿鑠美諾勒圍噶喇依旌功瘳惡乃

詔雅州駐防重鎮分防永靖川疆

十一卷二  
十一句

皇心勞矣武功高矣

紫閣圖形

錫贊褒矣

文德之光

至于日出何以報荅

皇心宥密官職其官士職其士民職其民兵職其兵以各安  
其生咸曰壽人豐歲子孫萬世報荅

皇帝十二章一十七句



蓮石齋詩集卷第二十八

瘞石齋詩集卷第三十九

秀水 錢載 坤一

芍藥花前得句

豐宜門外綠初陰  
廿四橋邊客又尋  
屢擔剪枝畦露重  
貯餅芟葉院風深  
不如最好當歸字  
無奈難勝欲別心  
欸欸報之青玉案  
悠悠翻作白頭吟

自題小影六首

并序

藏有舊揚碑帖之殘本  
戊子歲嘗集其字以題小影冊子而  
裝于後今冊子已失之  
拾廢稿錄於此

集鍾元常薦季直表牘字

力氣尙能壯衣食不望充  
國恩夙夜報臣其敢雷同

集王右軍誓墓文牘字

止足之分是在微身小子敢踰謹告二尊

集王右軍黃庭經贖字

食穀參差念太倉可能枝葉老生香石田流水如無恙要眇  
山中日月光

寂寂靈根自有靈莫教花落病園丁乾坤合與存方寸門戶  
長期抱一經

集虞永興 夫子廟堂碑贖字

仰

聖靈 文教橫經闢德基猶膺 榮命在未覩樸誠爲蘿洞

歸何益雲泉屬有思敬哉

天咫尺難釋歷階時

自戊寅冬蒙恩以  
右史侍從入餘十年

天地茫茫內初踰六十年風楊行裂葉海石願追先

六世祖明  
太常卿石

先生年三十  
六歸田講學

至道占三易微情寫七絃經綸已無術不作遠遊篇

### 趙北口曉行

燕南六月汎舟曾纒纒今來白髮增告祭未行蒙改

命山莊遙赴忝親承城陰小驛聲聞雨橋上輕輿影照燈  
入塾早聞山海語前旌尙慎

主恩憑

### 河間過陳太守基德不值

大郡畿南老健身廿年閒事話無因蔡光橋水同觀月揖翠

堂花幾醉人歸我牙籤三帖舊余藏有陳文莊公尊甫墨蹟并  
文莊及公子蹟太守文莊元孫欠君

藥榜一官貧丙戌會試分校易經  
得太守卷以薦彼落他時待訪蘇州宅滿樹辛夷對

晚春君猶居文莊故第  
上蘭一株極高大

### 小病

小病曹州過相牽到兗州扶疎桂之樹三五月當頭把酒難  
思舊論文欲散愁明朝公事了一爲上南樓

登泰山賦

社首云亭誕謾傳

翠華頻歲祝

釐虔遠稽舜典春行禮上法

仁皇德備乾迴馬宿開躡虎石萬株松落兩崖泉東來實受  
君恩大日觀峯頭見海天

謁孔林賦

使臣循舊典得以祭于林仰瞻愧且淚何敢言肅欽新雨善  
草滋高雲嘉木森附阡澤百世依祖歸四臨防山脈自岱泗  
水環其陰洙水遶其陽斯文繫天心普天繹聖語夫子

道至今述聖家昌昌生著亦如簪

丁酉

上元夜邾橋

半日風幾厲初更月頗黃山隨人到海屋藉樹爲牆吏散稀  
燈火寶懽足酒漿鳳城踰二紀纔一在東方

青州試院得送花貯淨餅

校士重門靜遊人近郭回世無千日醉春有萬花開礪埠儒  
之蘊琅邪帝者臺一筇扶未得簾影與裴裒

臨淄道中

乍暖猶寒鬢任斑行行天在澹濃間春風已望諸孫墓東海  
周王一國山桑女耕男豐象早肩摩穀擊霸圖閒使臣自憶  
燒燈後雪盡嶠萊往復還

出張店

周旋跌宕不闌珊  
雨雨晴晴總一般  
政要梨花籠客夢  
多煩柳絮撲歸鞍  
長山小縣前頭曉  
薄靄溪村兩畔寒  
乍起兒童趨市立  
慣經人吏把官看

過鄒平

我已能忘老天應  
與散愁無邊麥苗  
毯不住柳花毬長  
白山中賞摩訶菴  
裏遊若爲謝公句  
如見黛溪流

將至濟南

人別繡江東西來  
百里風單椒何秀  
澤落絮太溟濛門  
口明湖綠樓陰返  
照紅馳驅聊暫歇  
襖襪莫先通

濟南使院海棠已過感題

孰是蓬萊最後仙  
了無塵事許踟躕  
龍樓鳳閣春三日  
柳陌

桃蹊尺五天微雨東來新月上石橋南畔盡欄前海棠都也  
羞人老京國攜家十八年

至曹州牡丹已過

屢與花期屢後期花天况復妬風姨蒼苔小院飛蝴蝶綠樹  
深城叫子規酒散獨依斜月坐春醪猶屬老年思村村姚魏  
家家詫鄭重何人折幾枝

貯芍藥於雙鉗題壁二首

定陶國中十二釵相逢不獨憶翻階絲綸閣迥承 申命闈  
闔天清過已脾新筍園林穿白練嫩萍池沼聒青蛙江南梅  
子城南杜白髮悠悠自小齋

曹叔祠前路短長漢高壇上極微茫丹陵雷澤春蕪老伊尹  
萊朱落照黃今夜可能無美酒來朝還更有濃香憑他千古



離愁劇付與雙河柳萬行

曹伯祠

式序差隨弱弟肩世家猶鎖廟門煙社官噩夢神明見荷澤  
遺封盼蠻傳季女南山春翠後黍苗陰雨夏寒邊孫枝若也  
瞻周道不忘僖公廿八年

范縣

顛墳遙墟落來瞻孟子曾麥收民氣得市人我懷憑請老傳  
惟敬紓憂讓所能誰家若宣獻亦可以賢稱

裁剪四照樓前花木

一水滌洄跨石橋岸南岸北樹陰饒大槐合放紅棠出高柳  
休遮翠楫凋葩似賓升偕主拜直須陽長使陰消明年倍得  
春光好已字欄迴對鬢翹

濯纓橋曉坐

柳陰水東來惆悵清渠一人之一日生詎非死一日我之死  
也多生則未能必所以朝聞道非徒時勿失朝聞而夕死于  
我事方畢夕死不朝聞哀哉誰與恤南山翠雲起東海紅輪  
出獨坐石橋身悠悠自心忪

題菊花

歸自臨清種晚花樓前橋畔水之涯細開愛爾搖風色僵立  
愁他縛竹丫霜鬢一尊遲受代山妻諸幼早還家 國恩深  
被鄉園及不少秋英臥徑沙

觀張翰林宣至正乙巳所書題蕭山縣令尹本中  
吳越兩山亭卷聽冷起敬琴次韻二詩漫成二首

漁浦一灣山色斷琴心三疊鶴聲來算應康里鮮于後明祖

元呼小秀才

史局名流直等閒仙郎協律謾相關所憐不少鴟夷子終古  
吳山對越山

補爲曹大宗伯秀先七十

尺一東來趣暇辭青州城外柳花時還朝數過街初雪直內  
徐行鬢各絲笑我同庚方老矣煩公有句輒酬之等閒是事  
拚輸卻只讓燈前醉百卮

公性不飲

戊戌

政和鳳池衍歌

背凹玉筍鐫兩字元年八年都不記賞家每玩宣和印道君  
先識政和義面篆八字涵小池兩旁山形低參差一鳳翺翔  
儼欲下九雲左右相繞之其黑如漆潤如玉其光如鏡叩如

木墨如油兮磨無聲南唐坑采端州谷乾隆戊戌春王正錢  
子購得踰瑤瓊六百六十幾年刻勉旃昌文立修名

雪曉入直 上書房

于郊

祈穀達

皇誠卽夕昭靈降瑞霽穩歷金階坐書幌靜依 玉殿聽春

城五經論後詩懷澹萬歲山高樹意生上書房 乾鞭得土

牛纔四日太陽催釋快農耕

雪後馮相國招飲獨往園

雪晴風定噪檐禽老汴新詩向壁吟三十一年重見畫百千

萬事忽愁心山現名畫予丁卯所購王奉常富春大嶺卷家文敏戊辰秋攜去者不知今乃在相國所雲煙過眼原

都幻尊酒論文且復深傳語海棠須記我前春澆汝正紅陰

上元後一夜復雪馮相國次韻見簡疊韻以答

罷作燈天對凍禽又聽園雪就微吟奔騰萬里春來信寂寞  
千秋老去心白屋溪山梅辦大紅衣關塞馬蹏深較量俱入  
東風畫正月田家況愛陰

上啓鑾詣

西陵恭紀

上元三日雪晴辰向曉風號微 玉宸

大駕上

陵皇子拏小祥如禮

祝文申臣民實見三年達敬愛長教萬葉循

天護

聖躬寒氣薄易州山路從義輪

石銚歌

蘇公別黃至真州寫經營止楞伽院泉甘名之慧日泉至今  
泉在儀徵縣縣人客京尤水村日日飲泉鄰佛園市頭一日  
石銚買周種餉公器尙存銚如盞空如玉溫厚慳半寸照徹  
嗽玉蒼盞香煎茶煩有流無腳何有跟旁琢耳三菊瓣翻小  
銅鑲穿柄所根其柄赤銅三股協提處範一次菰葉葉尖分  
股股下接後一前二憑手捻其盞元祐篆可摩其底火斑剝  
落多中容一升平不煩銚初見公輒與哦我不見銚曷以歌  
嗚呼種方司理于江寧公未赴汝曹金陵哲宗改元公入侍  
薦種學官相識曾後來種疏安石配神廟公也兩章自劾繆  
舉懲一銚之交悔且晚乃用圖此來誇稱嗚呼石兮石兮亦  
可愛

銅腥鐵濕不宜泉愛此蒼然深  
且寬公次韻周種惠石銚句

燒器雖輕閔人代隔江試望東岡

閒愁絕南唐失研山

馬士英庚辰秋暑所題施霖畫頁

解道種桐三十里露涼月皎引倪迂南朝莫漫愁江令書體  
元來一俗無

題趙子固水仙卷

一段生綃本是冰墨疎香遠寂寥憑真心到此毋相謔絕藝  
成來必自矜篋有蘭亭懷寶獨船如米老出遊恆祇愁微步  
凌波去處子雖逢儷未能

質郡王梅竹小幅謹題

卓午經帷風自披茶聲初熟靜相宜宣城管試歙州墨李息  
齋兼楊補之皴石氣蒼晴雪後點苔痕迨早春時勒寒待暖  
今年閏分付羣芳也莫遲

飲施侍御學瀛寶石齋觀巨然山寺圖

道北娛賓繡衣劇玉琴薦冷春風晴補菴舊物手披示略無  
潑染半丈橫列嶂羣木三面江王維范寬千人英郭熙得苔  
峯髻老米黻得雲巖腹清虞奎章先古句着目青字欹逸態  
生東維子且高曲和俯仰矮本流遐情治平寺歸幾閱世錦  
暉夜照油燈明吳文定來如發覆後之觀者今猶名座上樹  
疎客騷屑窻裏山小秋崢嶸請君綠醕滿瓶注百分不厭搖  
金觥

施侍御學瀛寶其尊甫安三十五歲手錄是年丙  
辰詩稿七十四首裝卷屬題

伊人早稱詩名在雍正歲兼葭秋水間所不事科第遺文故  
滿家刻集已留世茲其一年心直蹟獨連綴我



皇初元時徵士起幽滯賢者實韜光翛然自孤詣采彼杜若  
洲鼓我木蘭枻樊榭對笠檐壽門接簑袂祇嗟兩氏衰女也  
中郎繼有子侍御如鳳鳴遭盛際縑猶一匹工箒不千金  
敝敬爲告方來若何美斯濟

讀書峯泖圖爲施侍御題

明有欽人江德甫不住黃山白嶽間卻來九峯三泖處結得  
蘿屋開松關作岳遂乞沈士充嵐光際野波窮灣柳嶼雨昏  
出青簪秧田日落飛白鷗耦堂耦堂嘗此寄廿年自許書堂  
置讓君杭郡始遷人占我鹽官舊分地輞口非無裴氏朋鱸  
魚只欠張家季畫餅胡然覲所思刻舟髮若尋前事一峯細  
林一鳳凰一泖圓接一泖長沈君之圖爲江子德甫之乞爲  
耦堂我昔曾裁九峯詠我今欲浮三泖航紅橋路斷禮金塢

茶竈煙生鋪筆牀

見南鄰桃初放

昔賃曾吾屋今遷已別家十年親手種一樹隔牆花  
猶是莊生喻有涯不知紅影裏仍長綠萱芽

次韻馮相國行香山下望臥佛寺一帶

深園小病自春長每目前湖見柳黃如佛臥來愁世味奈公

詩好報山香

來詩云花落春山到處香

寺頭樹又幾年大指櫻谷口苔還三月

蒼

退谷在臥佛寺右其下即櫻桃溝之伏流

歎段馬今尋舊去櫻桃溝處坐斜陽

再次韻簡馮相國

輦道沿山卅里長風飄蝶白更鶯黃相公歸騎紛春思臥佛  
關門自妙香列嶂連天晴靄澹明湖近苑晚波蒼村深塢  
小參差見肯有花枝不向陽

檀樂草堂海棠花前賦

張幔作亭鋪廣席向花把酒會羣仙風低欄角繁陰動日暖  
檐頭嫩藥鮮不醉不歌非我事相思相見又今年深杯且莫  
輕澆與自笑無端老欠顛

復作檀樂草堂海棠花歌

苑西曉駕轂觥車鐘樓東尋相君家相君未歸庭自碧舊樹  
錦濯新枝桠十年常來一年隔春風帝里人天涯我豈不  
思城北樹樹豈不如濟南花濟南一株高過此四照樓前一  
渠水花身岸口影水心晴紅壓欹溼紅委杜鵑催回繡江東  
家人爲言花爾紅曹叔祠邊牡丹訪不見又與樓前同等閒  
大抵芳時誤難道新人不如故十分惆悵濟南花一倍纏綿  
城北樹天公忽妬風伯噓撒沙中筵撲方䟽衆賓已起主人

謝獨酌大斗重趑趄迴旋風力鳴子珮動搖花光牽我裾有  
日吳船別花去加餐花候寄雙魚

馮相國邀過南淀小園借山樓後好在亭看海棠  
佳園幾隔往還緣春色多濃草木煙爲政從容承化日賦詩  
澹泊向高年遠山入牖譚無雜新葉遮亭坐屢遷蜀府一株  
旁侍立紅牙十八正嬋娟

張明經燕昌贈巢孝廉端明先生鳴盛所製匏尊  
而作歌

匏尊聯句歲及壯小方壺裏桐花陰故人半入黃壤夜對此  
翻驚白髮心感君惜是巢公製我錢與巢交以世先侍御狀  
公所爲年家子實深相契江園何處江天長葫蘆誰種色離  
荒少時欲訪迷村路今者來思在帝鄉明經不獨匏尊惜

同里先賢諸墨蹟俱收吾篋真文獻奚取他家爛金石匏尊  
本雙一自留我方不作酒器謳鼎鼎百年都鑄錯那勝殘醉  
迥含愁

奉題 定郡王清漣晚汎

高齋常日領清言橫卷龍眠筆偶煩被服詩書儒者術光明  
孝友

聖人孫鳴蜩柳暗休迴艇驟雨荷深只在園待到 苑西初  
月上青山影裏自沙村

題先從父觀察元昌畫花冊子二首

少日名場最擅場蕭寥鉛粉尙餘香書來官後文徵仲詩到  
中年白侍郎

官職聲名可奈何春風多處落花多落花不落春風在枕上

邯鄲得似麼

爲宋舍人箴題其曾祖閣學大業以編修從

聖祖仁皇帝親征厄魯特督中路饒大凱還京王翬畫北征  
圖冊後

鸞輅臨戎萬里行天山六月雪飄旌當年

廟算殲渠捷今日

皇威掃穴平克勒倫河新戰地起居注館一儒生相門有  
子從軍樂轉餉騰裝見北征

觀荷小集

井序

六月廿一日同直吉太僕胡閣學李學士嵇贊善王編修五  
學使醵飲同直諸先生於澄懷園荷池北岸柳陰下倪編修  
所居載以試事奉

命入貢院不與翼日 皇十一子倡韻徵同席之詩爰補次  
最識風裳面難拋雪鬢年參差吹且望容與采休捐官裏行  
何促觴餘寫漫傳 苑東涼月曉應教讓諸賢

題王進士元勳東溟草閣圖卽送還嘉定

海國問膠城詞壇繫舊情豈惟歸太僕亦有四先生君乃諸  
侯客年今進士成蕭然還草閣且不負鷗盟

閏六月十二日五學使再飲同直諸公荷池北岸  
預坐用前韻

且復陶嘉月曾非厄閏年櫻毛鞬可繫蒲葉扇難捐采采西  
泠見番番白紵傳鴻臚能好事始覺代庖賢

前數日倪綸  
修撰鴻臚卿

廿五日五學使三飲同直諸公荷池北岸再用韻

二首

近數赤陰晴日歡忘大小年真成五侯飫奚翅一金捐蠅

欄孤凭鷗鵲杓緩傳相觀立如玉豈謂色猶賢

侍幄如朱文端蔡文勤懷芬有歲年荷風非夢續柳雨信塵捐

苑外仙招及城中夜話傳未能常略町祇辨聖於賢

送馮孝廉桂芬還海鹽

曰自錢馮契都逾二百年先太常講學于永成堂孝廉之先大參豐陽公實來師事而以女妻太常之孫我巨源府君是

為我五世祖豐陽宜有後海上早稱賢秋月催南雁長江待北船

姓馮宜人搏扶方六息詎必讓人先

為倪鴻臚題其先給諫國璉畫梅蘭水仙蓮菊竹

松朋子

孝行聞公篤學名墨花藹若見平生題分七種堪三絕心在

孤芳恥衆英諫草篋中無賸牘使車江外不旋旌青青風露



東門菜傳得當年訪友行

事見厲徵君樊榭山房續集

澄懷園所居春日

皇十一子題扁曰花塢書堂

秋日賦之

蘇製檣帖云池上土爲山朝陽夕陽幾而園中春在樹十年百年多株

苑東園

詔侍臣居下直分門屋有餘山水周環百年樹天

人元妙八分書板橋雨滑誰尋菊沙圃風寒未灌蔬講讀循

名稽自古捫心夙夜媿難如

晚出花塢書堂池上獨行

輾輾南城祇半旬天街已仄桂花輪憑伊來往知乾鵲任爾

蜉蝣齒大椿釣蟹無竿還放蟹采萼有艇漫思萼蓮房荷蓋

紛相對誰是清明種藕人

引藤書屋對菊分賦效左太冲

禁體

返照明屋櫺絡架稀藤陰石臺寒有色瓦缶列成林招攜及

孤筇談言罷素琴藥欄于以靜堦蘚蒼然深苦苑亦可設玉  
后行復斟所期廊廟具不負巖壑心亭亭修筠交謾謾長松  
臨歲華但如此君子惟德馨

二首  
九日馮相國招飲獨往園登高屬作墨菊卷卽事

仍循磴級當欄扶自去東州兩度孤樓外山青元不厭尊前  
髮白宛相俱秋供畫本祈人壽歲闌詩蹊奉客娛才大未妨  
官事攝翰林學士執金吾

瀛洲一老錫山公體淑含純四座風

大司空松先生雍正庚戌詞臣今在朝詞臣皆後輩

墨

瀛橫圖霜野候匏庵勝侶石田翁

酒半董少司農出致沈敬南卷墨菊一枝大字九日七律一首爲匏庵作

會者斜陽合任流連往事毋教幻影空

紀劉文定公裴文達公王文莊公家文敏公閣中九日之

例許春秋來必醉明年先畫海棠紅

再集引藤書屋對菊二首

登高各何處觀止復今辰西爽非無緒南華別有眞天風吹  
欲老霜日照逾新一自餐英後端惟漉酒人  
簪履從譚往尊鼎儘汎秋未應吾道拙不及此花幽寫以琴  
三弄參之茗一甌金釭搖素壁瘦影但相留

錄春杪作

何苦文通說黯然此情相別漫相聯花都落瓣寧非樹水不  
迴流本是川楊柳絲飛赤欄外酴醾雪捲畫簾前少年最解  
春風惜一倍難勝况老年

釋石齋詩集卷第四十

秀水錢載坤一

己亥

元日會

吳香亭太常陸斗山學士彭六一侍講會於陳伯恭編修宅

月華門內拜退即詣

先師

泰陵祭

上以大祥及方十八日啟鑒謁泰東陵不受正旦朝賀

內廷諸臣皆稽拜於月華門內

乾清宮東南房西側

以

上書房北窗

近雍正間設

至聖先師四配饗周程張朱四賢位

上三更起

親行祀

禮祭明

上書

房諸臣入行禮

為綵勝家家始辛盤色色宜

昌朝萃文藻老輩慎酣嬉造

化通書畫平生辨正岐蘇黃元有蹟陶謝欲無詩振蕩攀難

及蹉跎悔莫追

伯恭出觀

本朝名人書畫扇面中有家文端公詩蹟一載拜觀不能釋公竟五年教載自幼教今年七十有二始知

今日之

杯深先我醉燭短各心知江外風梅萼城邊雪柳絲歡

場明是寓暇日健多隨敢必郊遊近轅駒尚可騎

蔣編修士銓去歲北上攜其子明經知廉秀才知  
讓道南康遊廬山作記與詩其子皆賦古詩而季  
子秀才知節亦於家賦寄古詩過揚州朱都轉爲  
之圖旣合裝成卷先以佳醞屬爲之題己亥試燈  
夜

兩泊章江秋月澄文簫行處未吾登山只許畫圖有慧業  
誰如父子能巷口晚風吹送酒檐牙高樹影懸燈飛流三峽  
橋南北持向天台賊老僧

上啟鑾謁

泰陵祭

泰東陵恭紀

春正癸卯大祥臨

聖子于

陵致孝心萬化迪

前端在禮一家歸厚肇維今山河永衛蟠元氣松柏新培植  
翠陰拜後孫曾俱仰切露零風曉  
慕思深

鄰桃又放

種桃人可奈兩度隔牆看爲置去年閨如祛今日寒春陰仄  
簾額晚色過檐端莫必蜂兼蝶誰凭樹下欄

奉題 皇十五子翠巖清響圖

水木東園絃誦聲昭文任爾判虧成敦經說史天人業理性  
修身德藝程一筆獨超函董巨

皇六子質郡王補圖

衆山皆響領韶英

松風滿谷泉流石靜極無言膝上橫

北紅門外桃花

蔚藍天自曉涼水河方深土山曲折內烟柳高低陰一枝復  
一枝一林又一林寒食城南節少年馬上心時雨久相待飛  
飛莫或侵何人重相憐采采不可簪寂寂環小村青青帶遙  
岑曾非攜榼遊且獨鋪茵吟亭虛十二欄風急下上音如聞  
艷色太豈負霜鬢臨

題劉農部文徽讀書秋樹根圖

君家濱水九江一江上讀書年復年學士也吟員外置長康  
還以箇中傳打頭落葉寂無侶送目秋鴻希在絃贈得武岡  
方竹杖樊川奚不共蹠躔

草橋南坐往歲修禊處

紛吾及東風旋車自南苑披裘曾不寒遊目未爲晚波明

柳色圍岸仄草痕偃誰氏林如園是間飲且飯萍開盥手嘗  
鳥散聽詩宛數起獨徘徊相扶極繾綣梵音對香剎嵐氣接  
晴巘桃綻亦今蹊蘭枯猶昔畹地非春夢後人有天涯遠太  
上復何情流連輒知返

送王大理和請假奉太夫人歸里葬先大夫二首  
十載從軍滇蜀徵元戎獻捷丙申春掌謀蓮幕書生力拜慶  
萱堂孝子身報國實難先鎮定得天雖厚總勞辛全家帝  
里登蘭舫勿謂歸人是幸人

捧土成墳祭大夫冰霜完得髮兼膚國儀孔雀翎加帽  
郊勞明光甲被軀維子文章元有氣若臣家世本來儒鴨頭  
顰蘸春風筆更就淞南絕唱無

題詞卷二首



獨自登樓罷撫欄奎章也復寄情難杏花春雨江南句羅帕  
何人濕淚看

小令清真諷幾回坐銷銀燭罄深杯舊時衣袂東風淚惟有  
桃根說與來

題韋編修謙恒秋林講易圖二首

翰林重入老經師學使曾傳講易時萬里黔州蒙簡擢諸

生魯國悵追隨操觚歲月非難得開府功名不易爲一片大

明湖好在爲君披豁始題詩大明湖種藕人割水而區分蘆葦汎角藕  
直小港中見蘆不見藕花余在濟南竟未

嘗爲  
之詩

君是前遊我後遊一林秋過幾年秋橋南孺子纓斯濯岸北

莊生芥以舟使院北橋溪纓橋在四照樓前西則坊芥舟也歷城  
山在樓南磻華在樓北今園中所見半余未及詩者趵突泉

聲嘗出郭磻華山色又登樓相看自笑何知易高柳寒鴉也

白頭

錢舜舉梨花

愁他俊侶霽溪翁  
葉軟花明賦色工  
金鴨不燒寒食夜  
祇應娥媚到歐公

御試試差諸臣於

正大光明殿

欽命詩題賦得山夜聞鐘

得張字

擬作一首

山寂人無寐  
鐘清夜未央  
却緣心動乍頓使我聞長一杵澄  
紛泊諸塵浩抑揚壑雲猶絮惹天月正弓張  
燈不羣峰黑衣先衆樹涼去來今了了言象意堂堂

聖教鯨鏗喻真風谷應翔微

臣

竊深省本體具明光

澄懷園池上

池南池東水勢廻昨暮急雨聞奔雷暖換單衣寒復袂楊花  
飄盡鳴雛來

上啟鑾詣

泰東陵恭紀

西瞻佳氣鬱從東孟夏茲辰示有終

釋服未忘經駟隙

朝

陵增感徹松風

慕踰五十重華邁事儼生存達孝隆  
皇嗣親臣敬陪列萬

方都式

孝心中

種菊滿書堂之庭

載當扈

蹕

避暑山莊曹大宗伯直廬西近許爲灌泉除蠹長句奉簡  
三月分科四摘頭五肥六水旋關憂節過大火焦于火盼到  
中秋菊有秋好是張南趁周北絕非王鞅泥裴輜塞程歸馬  
先重九花塢堂前竹葉芻

熱河

先師廟成

上親行釋奠

臣載

分獻恭紀

曉月清風

法駕乘

莊西禮創駿奔膺

文思天子崇儒至武列雲山鼓篋憑承德府今新廟作乾隆  
年肇大昕徵謾論蜀郡儕齊魯上塞雍容古未曾

重宿甘露寺

畿縣古槐二

行宮一水分盤根空院石接葉短檐雲青瑣客加老大醫王  
夙聞西窓望蔥蒨燈影動沄沄

趙北口水行

劉李建瓴黍梁侵撐船指驛梢葉森四十九淀畿南利七  
八月間雨集深賀六符驚塘灤眼信天翁樂魚鰕心我儂有  
鄉諳穡事疾速直沽趨海潯

題道旁柳

鬱鬱偏多繫紛紛獨有絲踈蟬難與說落月不相隨野曠長  
鞭揣秋新短髮疑高柯應未改生意卽芳時

高唐

幾度魚邱驛難尋馬頰河爽鳩安所樂鳴犢爲之歌小市入

聲散高林日色多漫傳方朔廟其奈滑稽何

曉行次張中書虎拜韻

肅肅五更曉沉沉千里空秋聲大河北海氣泰山東並轡來

天上孤襟向月中九輪環寶色再見竢君同

丁卯九月十五夜在南昌城中見月華天

青萬里淨無星雲皓月一輪倍常圓撒乃放光倏忽周環四輪淡如桃光觀于桃  
霞如翠光明于翠淺黃如葵嫩于葵深紫如霞鮮于霞自內而外一輪光之兩邊  
如剪兩輪光之相際無縫然後再疊疊如前濃淡淺深之光而八輪輪之廣如月  
體惟著月桃光一輪比月體而兩之其光一霎而吐四輪又一霎而吐四輪眼不  
及見也于是重重華定一大圓鏡中間闕現五采重輪頃之一霎月之後托出如  
黃金盤帖于桃光之前然後九輪光之相準與月而十其時月非一片圓如水  
品毬挂黃金盤中動搖不定于是水晶光穿黃金盤光如金線如金絲縱橫四望  
于八輪光中屈折伸縮而不越廣輪之外其時長跪仰觀無可贊頌頃之倏忽不  
見一霎齊吸一片圓月淨無星雲天青萬里夫五色比象而九  
輪光之寶色人間無此流麗者其濃翠光迥不與天青光同

西楚霸王墓

太公孫創霸戰國禍相尋遂有驅除力還生受禪心黔黎殊  
噉噉蒼昊豈愔愔垓下虞兮後東阿棘草深

又題一絕句

楚雖三戶太紛拏  
玉玦提王悔莫嗟  
至竟赤松元有爲  
山河表裏又誰家

東平

小洞庭何處重重問  
鄆州幕門元總管  
書檣漢春秋酒勸三  
堂月人催一笛謳  
相思獨不見却爲使君愁

牧觴我于州解

渡汶

邈矣中都治蕭然汶上名  
日華烝水澹烟素抹林橫蹟有鐙  
堤築人難史祿生尙書逢白老江海運休行

孟廟下賦

孔子栖栖後天心竟不還  
梁齊言輒副管晏遇猶慳  
孟井知

鄒國秦碑到嶧山歸儒黃老尙未及百年間

滕縣南刻石滕文公行井田處

下澤高陵道必因齊宣廣土衆于民天心若遣滕君似豈有縱橫遂帝秦

渡河

天風幾百里吹河入淮泗河兮往復還早晚徐州至

徐州六首

荊山鑄姑舍泗水沉惟寶欲令魑魅愁盡出置京鎬  
彭城自山翠夕陽如水流亭長守四方惟知猛士求  
聞之上元夕曾有太乙精校書天祿閣在昔劉更生  
堤柳復堤柳華裾歌舞筵能無白太傅亦有杜樊川  
燭天寶劍知盜發亞父冢龔生非吾徒老父乃不恐



細馬提壺勸山園遊復遊還將一枝笛吹月坐黃樓

隋隄

看花曾未到揚州入泗通淮汴水流枉却一般歌舞地柳枝還比竹枝愁

褚莊

山驛有北窓庭隅數竿竹旣避日杲杲况來風肅肅鄰雞鳴土牆碧草長茅屋槐陰半樹欹蓼穗一叢簇昔年此曾飯今夕又將宿涼輕心適身趣靜手隨目王程明且戒淮岸老猶熟月出已晶瑩檐飛自蝙蝠

舊識

舊識徐州好徐南也不忘君山富倚頓孫盛屈眞長苔井味蠲渴柳亭陰納涼苻離明夜月三五倍流光

聞臨淮黃流已縮

聖人湛玉祭河莫害田功奪淮不得已元自下安東

禱河辭

清水受奔騰黃水貫渺漫低村縮猶浸稻屬紛遙灘儀封考  
城決譙邑渦口延築塞重築塞去年及今年

天子軫黎元不惜億金錢河莫泗濱去河其彭城還其徙亦  
無所海門東且寬况偕洪澤河仍走雲梯關河心詎不明河  
力庸有艱沙排故道深颺駕經流宣我

皇禮河至增廟徐州山揚旌飫醴牢福民歲告虔河兮亟此  
絕河兮復彼安徐州上下州夫柳萬萬千有隄天忍棄無隄  
天忍殘幸勿久于淮淮淤功莫殫

題臨淮乙酉甲午宿處

一宿竟三宿無愁端有愁雲扶圓月上淮帶濁河流湛湛桂  
華濕踈踈瓜蔓秋馬蹄今已老尙自識南州

紅心驛

惟草有紅心于人何以任雲沙別淮浦烟柳向江潯寶劍黃  
金勒羅袿碧玉簪已難成結束不獨夕陽深

定遠

十五岡盤伏元衰豪傑生虞姬猶有草鄂國豈無塋樹短村  
蝸舍山遙縣斗城雨來忽數點千里落霞橫

廬江怨

何以生人有至艱生人淚落在人間竹竿魚尾男兒易青鏡  
紅羅女子難君爾尙猶蒙見錄妾然終竟絕來還傷心念母  
勞家裏字字皇天聽亦潛

爲焦仲卿妻劉氏作後復感成二首

蟬磯詞

肅肅廻風江上秋蒼梧未解此離憂情忘兒女家初造禮絕  
婚姻孰是讎白帝城遙雲色暮永安宮在月華流天心欲定  
三分鼎特假參差作好迷

沈園詞

城南雖在此生違西掠三巴萬夢非春水還經寺橋綠柳絲  
不向沈園飛尋來塵壁詩何忍行作稽山土是歸莫莫連連  
徒爾爾黃泉重見語應稀

發合肥

髮絲星使

主恩頻風露秋田歲熟新青口紅心江北驛橫山長水浙西

人曉涼快步驕疲馬夜求安眠健病身稽首宣防來萬福兕  
觥春酒樂斯民

在野

在野蟲相應知更雁欲居曉風涼不已銀漢澹何如海上槎  
來碧淮南葉落初悠悠人自感明日過龍舒

舒城

道出朱公治心依母氏身劬勞皆拮手門戶獨樁貧我父遊  
京歲惟兒就熟辰廬江江畔草淚滴不教春

聞促織

發軔承德府迢迢指南昌星疎明月曉露下秋風涼風涼蟲  
唧唧早禾已登場催人理機杼禦寒成衣裳天行聖所本民  
事關所詳王業在艱難萬壽祈無疆蟋蟀旣牀下蟋蟀又在

堂職思其職思瞿瞿士也良我行梅心驛言采蘭澤芳天柱  
高不極大江流未央

北峽關袁家重觀文端公所留丁卯秋日山行詩  
幅感而成篇

舒城南復南有館山之阿昔來見公蹟感往成清哦畢今者  
突挂壁淚落為滂沱公子昨已歿參差三日瘞敢云國之良  
庶幾道靡他

至尊便殿

見

垂詢太息多祖母及陳書省本嗟其柯

從叔刑部侍郎汝誠以五月七日病卒十二日奉

蹕出古北口至

避暑山莊六月八日奉

命典江西試明日謝恩蒙

召見

上垂問汝誠太息至再四

天語曰陳書省好人陳書陳羣母汝

誠祖母蓋自為錢家臣

婦能盡以力其貧家澤亦世澤衰理則那請申公夙誠勉俾

錢後歌嵩華非不高我所願丈坡江河非不深我所願尺波  
求福不在大仕宦瞬以過謙謙不在吉歛已猶防訛我不如  
鳳凰小鳥自結巢積善有如公公聞或加訶閒庭桂青青知  
我非婆婆

北峽次韻文端公秋日山行

北峽名以關斬黃客所觀東峰旣分左西峰遂列右人行狹  
其中土曠石多皺岡平瓦屋稍塢小稻田復林開鳥影翻坡  
接礧聲鬬修延屈曲蛇翠巒峩嶢亭驕穿熟投子僧歸  
瘦露光對膏沐雲氣兩膚腴白沙嶺其先十樹街其後峽非  
瀉一條關自立雙堠公勞拂旌再我晚攀芳又超超天地廬  
去去見聞囿松喬誰不寄蜉蝣亦云壽亟瞻灋岳高徐攬龍  
眠秀

朱桐鄉墓

直直征途過荒荒碧草蹤秋風一坏土漢日大司農祠尙傳  
初詔民猶種小松誰無霑祿賜下馬豈爲恭

乘筏

急雨沙河下清風竹筏開歌如弋陽唱客似武康來江介秋  
多水龍眠翠積隈村娃提甕出屋角又聞雷

青口驛

憶訪石牛洞歸乘燈火遙由來春草歇終古夕陽銷驃騎名  
何減東風嫁小喬皖公山自好未必記南朝

望司空山

峭壁丹砂濕南崖衆壑趨隱嘗招太白名自晦淳于皖國舒  
州在劉琨祖逖無祇應老苔蘚不信石葫蘆



宿松

山外有江縣縣南江有濱村皆稻擔了犢又麥犁勻桑落洲  
西月楓香驛北人若爲定相見雲色澹秋旻

東禪寺

欲采蘋花碧玉流白蓮花老東山頭盧行者已嶺南去秀上  
座亦江陵遊瑟颯野風縣郭曉縱橫潒水村田秋山門有草  
僧何處佛殿無松客不留

渡潯陽江

抖擻衣襟馬上塵潯陽相見若爲賓江明樓堞無兵革山落  
村墟少逸淪曉日涼風青雀舫郡曹小吏綠楊津沙鷗欲下  
翩還起驚怪霜鬚似故人

雨至東林宿二首

匡廬勝未見屢過山之陰連峰濕微雨一壑流清音中有晉  
時石磊磊寒至今遠公誠自得喬嶽非所欣出疇落翠塢松  
檟延脩岑撰日詣巾屨譚空晤書琴陶公亦適至濁酒任酌  
斟邈然涅槃寄遼矣雁門臨傳衣問來者役役又何心  
微雨止復灑深塢秋更綠靜對一林脩曠懷千古獨西堂飯  
方罷新建詩再讀片石謂韓陵足音乃空谷白雲高以沉爐  
峰失于目簷溜鳴蘚階階流出烟麓逆數三十年成茲一夕  
宿初非池種蓮亦不籬采菊泉聲聞雨中輒已留僧屋

東林曉起二首

牆陰溪瀾瀾曲瀉青林間青林密千株坐對西窓閒風與泉  
相忘泉去風復還霏微山不見冥濛門尙關昨夜我無夢不  
知在廬山僧廚謂將粥客髻諒勿斑

有情荷天地萬物無悴顏此心與物邇何云出人間宗雷輩  
投契風雨時往還遂因蓮社托實耽桑者閑遐哉古之狂避  
世忘其艱接輿與沮溺曾不擇名山

出東林六七里望廬山

連峰出雲雲半開奔渠捲雪響春雷雲中屈曲明如玉都是  
天池頂瀉來

行廬山後仿惆悵詞二首

解珮何言遇洛神采芳先是托靈均似聞烏臼門前語却作  
廬山背後人  
萬里琵琶怨不還綠波春草恨無端任教伯玉中央讀莫把  
廬山背後看

德安

言自九江至欲登數淺原蒲塘寒歇雨烏石迥分村江色見  
烟郭鳥聲聞竹園里中敦孝義合有太邱孫

### 望雲居山

楊柳津西見橫天濕翠拖蓮華城乃爾洪覺範云何雨氣巖  
凹積泉飛樹杪多歐先生屋處半已覆兜羅

### 江西試院小病雙桂盛花已落

連宵深院露華滋孤榻重簾病起遲八月纔開剛一瞬百年  
重到更何時南昌郡有吾家事北斗星明老樹枝辛苦最憐  
攀折手長安落葉記憑吹

祖文端公疊磨

思命典試江西

其種桂樹于奎宿堂前則丁卯也公年六十

有二歲貴侍行甲午奉

命典江西試則雙桂扶疎高出屋檮茲二十有八

年矣爲之賦長歌今歲已亥恭遇

聖壽恩科復典江西試遂

題楹帖以仰紀

主恩秀水錢

### 夜讀杜詩

隴上陳安氣漫豪  
魏將軍曲蠟燈高  
祇應薄有騷人具  
十倍分明萬鬱陶

生日題試院芙蓉

壯齒登樓地來朝  
揭曉天蓉枝愁靜  
女雨點狎飛仙  
整頓重陽節夷猶  
八秩年相思誰遠  
道更賦涉江篇

百花洲追感金總憲先文端公二首

鴛鴦鴻鴈自相親  
綠菱紅芙蓉間白  
蘋章貢一江廬阜  
見徐蘇兩姓菜畦  
隣別非三月非三  
歲道是新人是故  
人今夜直須洲上  
立露華如水夢無  
因

夢幻元知欠百年  
斷斷內省與齊賢  
狀元已失文章伯  
太傅今歸兜率天  
直考評嘗燭下登  
高樽俎卽欄前隄  
楊拂檻窺人意風  
更淒然露泣然

檢得甲申舊彙憶趙永年畫卷用韻成二絕句

其卷

尾白題云荏苒一春花事了好山不惜共登臨白雲青嶂常如許  
與漁樵領趣深元符二年九月趙令松製歐陽楚翁云綠江遠眺對  
千峰雲水微茫影萬重只恐留春無計可漸來摩入畫圖中  
趙永年作此卷惜春之意甚深也玩賞之餘仿其意題此

不惟尺幅漫空寫永年嘗作雪景如此長篇散綺臨段段春山落春水

奈何花氣與情深

方錦健可徧千峰春事稀疎掩閣重却笑卷還無藉在幾回

殘夢出圖中

蘇東坡詩集卷四十

蘄石齋詩集卷第四十一

秀水錢載坤一

德安縣東過渡山行至隘口

渺然去蒲塘未能登傅易昨雨晚寒色初晴秋野香村中刈  
稻了烏犂肥雞黃潤灣蕎麥秀柳葉明石梁窈窕旣復隴蜿  
蜒更重岡踰嶺見廬岳刻石懷夏王方輔暨匡俗欲尋恐未  
遑赭峰亂可數修潔殊低昂枉道出其間從容副所望隘口  
有擔夫停輿問答相

陶靖節墓碣

過江數人物見道有先生墓在廬山口橋猶栗里名田園樂  
仁智甲子秉忠貞緬想不封樹當年蓋寡營

溫泉和文公朱子韻



主簿山下出松風謾謾起不屬陶公泉乃屬陶公里驛程借  
我閒秋日比春美南衡邈迤來蟠根傑然偉靈砂洩真陽一  
穴冠諸水孰是浴于盤臨之心自洗奈何繡嶺蒼徒曰朝元  
矣榮謝辱不遭溫溫白雲裏

醉石和文公朱子韻

濯纓池之下底柱石之邊其南爲栗里其北卽溫泉棄官還  
舊居有酒無塵喧酒豈必此醉醉豈必此眠後人仰高躅髮  
想臨潺湲匡廬自名山彭蠡自大川茲石以先生相與光瀛  
壖飲酒酒常得樂天天獨全前吟平原句後詠紫陽篇歸來  
館何所但見飛鳥還

至歸宗寺南康陳太守洛書先在

松陰黃繖遠知君有約能來事所欣試院三旬殊繾綣

今年江西鄉試

太守爲內  
廉監試

山門一笑更慙慙殿頭耶舍金輪月欄角羲之墨沼  
雲太守不憎遊屐老匡廬清夢暫平分

陳太守餉廬山茶筍石耳

雲霧茶性寒摘焙始端陽又有閒林茶汎若豆花香修靜植  
苦竹出筍味乃甜比于歸宗齏鹹蘊淡不鹹石耳生絕壁五  
老峰則多採之大如盤頗奈縋崖何聞斯三者品至清至難  
得今來皆惠予所樂其可極紙裹驛騎駛雪晴鳳城南燒筍  
配石耳啜茗休塵談以思太守廉如對廬山嵐倘得老梅枝  
助我清品三放筆寫詩竟石几生秋風紫霄峰影北鸞溪水  
聲東

歸宗寺曉起尋佛印蘇公怪石供語刻石

已在廬山宿不作廬山夢五更鳴村雞獨起出雲洞蘇公得

怪石嘗作佛印供與餅浴江兒自笑易無用佛印刻其語苔  
封諒在茲蒙龍松篁間回問拭眼師儒耶君子儒過泥者其  
誰白雲復白雲何處納須彌

望簡寂觀用韋刺史簡寂觀西澗瀑下作韻

止煩簡以靜遠嵩寂且深搗藥臼邊薜聽松亭下襟雖亦托  
匡居豈惟懷董林欲觀天監銘與叩蓮社心禮斗石一方懸  
巖樹幾尋長落東瀑水清同西瀑音

寄題簡寂觀前六朝松

虬龍幹聞數十株種來劉道士相俱憩根可讀黃庭卷瞻蓋  
時巢白鶴雛蕭寺梁年都莫紀畢宏韋偃未之圖吟成且付  
觀前去我亦灑然松有無

秀峰寺

隨雲邈迤鶴鳴還入塢周遭木葉殷

仁廟心經三寶上秀峰

天筆萬青間書堂買地由中主瀑布燒松是了山直踏飛流  
望江海鄱陽西對落星灣

觀王文成公正德庚辰摩崖蹟

文節七佛偈讀書臺右石石左乃大書如照浯溪碧鄱陽列  
郡兵大戰實擒逆武皇既親征遂俘歸廟畫于事亦至難宵  
人在肘腋嗚呼南安舟是以見忠赤懸泉寒不斷落葉濕相  
積寂寞緬千秋偶到浙西展

龍池

漱玉亭不見青玉峽誰題瀑春香注東峽束急瀉西巨石崩  
且夾深流噴以低濤聲迸碎珠雪色翻晴霓渟爲龍之居淵

若靈所棲咫尺忘靜喧崖壁斷徑蹊僧言龍沈池雷風莫端倪積葉與墜梗盡出不少稽池層瑋淙微石罅屈曲淒醜分招隱橋礫清無泥

立四望石文殊塔左觀瀑布

黃巖上更上蒼磴盤復盤崖跟旋升空嶺脊叉瞰灣坪石根虛無面僅敷僧單遂倚寶塔峭相對瀑布寒其東馬尾水鶴鳴龜背間其西雙劍陰坡頂瀑所源其中大龍池深黑物有蟠濫觴始涓涓建瓴下潺潺巖疊壑受之漚漚平流穿孤寺蘚苔徑雙崖篁篠烟水亦自口出石脣缺無前一落成此奇天下之絕觀初如匹練挂直是銀河翻牛腰稜摺摺中幅斜翩翩鐵色十里壁玉光千仞湍曳風雪灑紛撒空珠跳圓玉垂石縫稠濤春石齒喧荒坳逝何底恐墜踵不安奔流信無

事青峽下開先高高嚮彭蠡天外江流寬秋晴許我遊一筇  
卓千巒懷哉懷家江所不生羽翰雁蕩大龍湫石梁天台山  
緣瀑布落處入黃石巖望雙劍峰

松篁崖步仄蒙密天影開巨石積大壑壑流滋石苔水惟無  
他去瀑必自此來峯峯陰陰琤琮雪漣漣髮想龍不躍竦  
對寒無雷篁風萬瀾灑松雨千崔嵬翠皆著壁起高豈出人  
栽立於靜深內笑瀑外噴虺虺房亦峭絕何必啜茶杯

過萬杉寺不入

修林何陰陰有徑出稻田三門自深深有僧立秋烟遷鶯谷  
聲靜慶雲峰影圓松篁自左右疎密相周旋爾寺何以名萬  
杉天聖年今雖無遺株客亦不問禪冥冥過去心日落山蒼  
然

三峽澗

芻然淵水來石觸疊怒投天開巨石根歲積衆水流上下左  
右崖分合大小湫苔草隱彌縫泥沙淨剔搜玉蒼瑪瑙紫凹  
凸滑不留濤翻雪斷齟雷霆發不收水有羣龍戲山無萬古  
愁譬之灩澦堆倏忽如馬牛大雨沒樹腰祇少出峽舟祥符  
橋尙跨魯班巧所鳩虛空適獨立水石憑相求落落何大方  
靜對忘其由飈生一壑響天迥四峰秋

觀淳熙錢聞詩三峽詩石

樓賢大谷秋雪浪一條碧支筇過橋來不可無此石公代南  
康時嘗佐白鹿役八分見性標七古存風格欹斜壤壁嵌指  
點老僧惜慨然巖壑題邈爾晉唐蹟

玉淵潭

萬壽寺東南九十有九水徑于棲賢間入于三峽裏平流練帶如踈響松濤比蒼寒寺南灣岌業石叢倚橫觸又斜衝奪隘仍破壘雷霆谷應動潮浪雪翻委大石中有坳澄潭下無底欲落何可落欲止莫能止匪石甚廉悍惟水太倣詭輪旋風激高響瀉梭投駛落潭潭則靜漾漾淵淵爾明鏡明展前碧玉碧涵此注之三峽橋龍壯擘崖紫出乎清泉澗漑稻田功始悵然潭上懷五老峯環峙楞伽院其西灌莽荒難理不來讀書蘇久散藏書李其隣卧龍庵縛屋嘗朱子庵名卽潭名諸葛繪圖祀宋業不偏安誰歟卧斯起古來重賢達輒若輕鄉里悵然潭上言擇處仁爲美

棲賢寺觀舍利十二粒

秋翠深于此巖松砌竹偏芙蓉高自出雲霧晚齊寒偶到三



門步徒留一飯緣不須觀所寶寂寞向名賢

白鹿洞書院

五老峰東南下爲後屏山一山隆隆起四山宛宛環廬岳控  
湖江蘊靈于此間李公養白鹿無洞名自傳南唐泊北宋設  
學遞大焉復興力朱子繼踵懷明賢

仁廟褒正學奎畫耀瀛寰人文作一區講習涵百年藹茲矜  
佩心樂是山水緣山廻修不高水深循以灣橋分徑窈窕哇  
出峽潺湲懷仁若抱義得見方知然入門拜廟肅歷階謁祠  
虔文會堂清清秀萃莫可言豈惟誨有師豈惟餽有田鄉隣  
無徭役城郭無戈鋌明誠中庸至敬義德業殫願如成公記  
淳固懋實還科舉義利岐舜跖人禽關道非貧是憂學非祿  
是干如徒塲屋志曷弗洞規觀松聲院東西竹影窓後前雲

壑此間壑風泉此間泉偶來明卽去獨寐歌碩寬

與陳太守別

書堂松影一窓前斗轉參橫又適然再渡章江無舊雨同登  
廬岳有前緣星軺却徧行公治竹馬真多說守賢此去聞于  
老桑苧谷簾泉不上廉泉

過楊梅橋

山南山北翠逶迤樹葉多紅髻有絲九疊屏還三疊水相辭  
澗上忍相辭

周益公廬山後錄過大富莊至相辭橋蓋當日澗上之橋卽澗以名也

高壠陳生翰哥家

進士罷東令新墳栽白楊漫云三徑就全是一莊荒意外出  
尋訪江邊生感傷看君遺子姪科舉學方將

吳郭山口驕望

神鴉飛飛接食秋落日欲落金沙洲不見輦山雙女子宮亭湖自入江流

拜元公周子墓

一方清泉水數仞三起山嗚呼鄭太君丹徒改葬焉維公少而孤奉母想至艱改葬在辛亥維公卒明年治命葬母墓南康喪此還右耐兩縣君山小封近嶺皇華幸道出趨謁整裳冠祠田及主祀題碣皆明賢松林肅周視問答猶裔孫陽峰面蓮花四際峰繞環行實具文公孔孟統所原灑落如光霽發自文節言江州壘萬古太極說數篇山港名濂溪緬初卽清泉

九江夜雨

多煩官燭伴深宵已分廬山入夢遙庾亮樓頭人寂寂江州

城裏雨瀟瀟王程惠遠東林社離思潯陽九派潮酒美近來  
偏不飲任他庭院菊花饒

自過黃梅連日看秋山紅葉

皖國山如畫楓林葉未飄丹黃明且艷赭黛近還遙峰下村  
低屋巖間寺隱橋最憐斜日照漸見白雲消

柳下惠墓

西瞻寒野壟僵立兗州碑聖自先尼父風還踵伯夷道存去  
邦謝欲盡坐懷知故社如新廟應題魯士師

庚子

恭和

御製元旦日雪元韻

歲夜立春陽甫泰歲朝呈瑞臘猶微妙從相際

天心見快得如斯玉屑霏萬國朝正被優渥

七旬恩詔播時幾勝於元圃成堆積實有龍公効指揮庚子

五逢開慶宴勾芒三致答

宵衣江梅肥綻迎

鑾輅隴麥青含達

帝綫輻輳穰穰民氣樂馨香穆穆

聖功希

謙尊詎在諸祥賀第一惟欣稼穡依

題閔貞奉膳圖

追慕得其似自圖傳二尊筵陳猶酒肉禮事若生存楚樹漢  
陽郭啼烏江上村始徵昆與弟嘗不聞人言

安肅

雞爪泉宜菜龍山穴有風參差重入望汗漫早成翁麟塚垂  
楊外鵝城返照中張箴與劉頌那不劫灰同

堯母陵下賦

望都城內柏蒼蒼北擁堯山滄遶陽聖實三如庸輔帝誕惟  
一子肇封唐劬勞家室懷襄水保抱神靈上下光秦蜀使臣  
今道出拜稽祇薦井泉香

陵前大地一井中直  
厥泉甘冽歲噴不枯

定州春歌

行宮桃花紅晝扁無多屋宇松葉青韓琦衆春園取徑蘇軾  
雪浪石置庭周壁

御詩并

御記花光濃護龍鸞字晴簷鵲語人不驚晚市錫簫風欲至  
瀟流植樹李宣徽忠獻得園乃名之一礮雄傳帥定語兩孫

渺托懷鄉辭園嘗復修石復出好事皆屬明人爲四路州軍  
定居首辛苦宋邊石晉後承平邈迤趙國春望遠披拂秦川  
柳玉洞先蒸萬樹霞今年正上  
南山壽

漢中山靖王墓

塚土東藩落菜塍記來元鼎五年薨陸城亭有他姬出定武  
州還故國悲衆叟聚蟲誠竊計社鷄屋鼠總填膺使旌萬里  
蕭蕭髮此去成都謁惠陵

新樂

鮮虞亦稱郡故有伏羲臺柳色今朝綠花枝何處開興丁解  
寥寂亭午遣裴裒繁峙源來遠沙河日自催

發真定

邢州南界浮橋直石邑西趨疊嶂橫二十年經人已老滹沱  
河在水方生花開麥飯蕪羹處馬有函關劍閣行敲鐙一鞭  
還一策閱他三晉更何情

### 井陘口

九塞一井陘井陘卽土門承平指曰口按轡仍馳轅然如累  
卵确抑又環巘厓隨土石術雨作溝水翻多盤愈窘束一  
阻難飛騫兵家能用之陷人非至寃是秋破魏代下趙冬猶  
暄陘山四面平中央井深智方其度陘來前趨後無援未出  
口止舍度今微水村背水因地窄非僅誘使奔所以二十萬  
趙初口外屯夜先間道幟疾奪左車言出口旦鼓行佯棄走  
所軍餘乃入口逐遂落驚幟魂自陷以陷人陷險同其原用  
險以奪險用口惟韓勳山川豈徒設成敗實可論守險何以



失奪險何以存嗟嗟牛口竇入險謠不聞

固關

井陘之西口明人曰固關高深通一路內外阻重山荒磧春花少豐年戍角閒趙兵如斷此漢將恐無還

長國寺

曠矣石門口蕭然松樹林餘寒春二月古翠壁千尋座上佛何語門前人此心由來憑寂寞隨處得幽深

香定

州在萬山中承天寨獨雄題名有韓子記室從裴公誰以懸泉品非因妬女工南天門曉出料峭奈東風

娘子關旁有懸泉唐李諱作泉銘刻石在

妬女祠

壽陽驛

東來三日倦山程趙國唐軍那劇爭谷號鴉兒深有谷城名  
馬首半無城園花巷柳懷京輦拔刃弦弓撫鎮兵斜日好妨  
廟西路降香秦蜀自驅旌

夕次太安驛

要羅峰騁望頡紇水潛趨口若是間險心爲來者虞明燈還  
就舍飽食自稱儒詎獨騎官馬端宜笑僕夫

榆次

罕山天外碧雲橫汾水東來一曲清使者風光持

御仗縣人鼓吹擁春城藩籬襦袴猶傳李著蔡權衡現有兄

謂見唐李光進  
光顏兩神道碑

難得殿中丞作宰小亭如聽鳳凰聲

祁縣

遙山相夾走高原寒食駸駸氣未溫酒事無功杜康廟隱君

伯况小韓村東南風急難飄雨桃李花遲只閉園  
祁老舉賢如午赤文家陵轍又安論

平遙

搔首青天散晚愁  
麓臺山迥未之遊  
鏗鏘北伐論周雅  
偃蹇西河得魏侯  
馮翊詩難別零雨  
枋頭書不改陽秋  
鞭梢盡日成無事  
苔蘚空牆跡漫留

縣山

縣山亦介山東南益縣連南岡走靈石東嶺跨沁源  
羈紲國初返龍蛇書孰懸遺俗有禁火左史云封田  
潔惠爵嘗錫元豐勅可論忠廉迹殊似忠廉心未原  
臣皆義其罪君惟賞其姦齊桓此誠續王室曷以尊  
將隱山自深偕隱毋自賢非無後世人已力方貪天

郭有道先生墓

介山擁疊汾水環徐徐先生洵明哲黨禍乃保軀先生長  
八尺衰衣博帶儒夜觀畫察夙違親絕俗無閉門旣教授獎  
訓多生徒人亡國殄瘁不知誰屋烏卒年四十二并柳占斯  
區秦西暨梁北彌路方塞途數萬人會葬二千里來趨道非  
先生有聞何天下俱古槐大莫圍臭味神明扶蔡碑文則存  
寄言涿郡盧

謁文忠烈公祠

勲業故難成恩榮匪徒受公誠事主忠國亦報公厚至今述  
公心入輔出藩久四朝何以歷一事未嘗苟豈惟遘疾時發  
端策非偶况于社稷臣丙霍論无咎鬚眉故里瞻香火遺孫  
守嘉祐末廻思貝州時在口墓先明道題文終孟子後皤皤

會洛陽平格維天壽

自介休至靈石

絕不峰巒起灣環自介休兩山相內向一水只前流是鐵隋  
皇石無身漢將頭江都花又盡何況未央秋

韓淮陰墓在嶺上

傍險荒墟獨當春落照空后惟承帝意漢已賴王功蕭相田  
無恙留侯穀有終黃塵多殺戮青簡幾英雄

霍州

韓侯嶺越徑崦呀百里高盤下伏窪寂寞山情占隘口蒼茫  
戰事忌兵家此道昔人鑿山所通者村開堡靜蹄方坦峰起河橫轡轉賒  
莫小斗城連冀野峩峩中鎮翊休嘉

趙城

善走生蜚廉傳裔爲造父穆王御以歸遂爾宅茲土奄父又  
善御千畝力何努異哉代有聞以走繩其祖成季冬之日宣  
孟民之主是皆稱國良非特載盟府嗚呼延陵言後興在趙  
武宣獻實惟三唐封竟分取太岳九鎮尊姑射神人數其中  
汾水來廣衍非斥鹵天地大難知蓋不勝羅縷海隅雖已驅  
世家未亡譜

杏花

杏花村落不勝情二月風光出趙城楊柳插簷人上塚江南  
明日作清明

洪洞

社火庭堅廟餉簫子野村綠楊橋外堡紅杏寺邊園霍岳元  
爲鎮汾河自有源高瞻羊舌氏遺直至今言

蘇石齋詩集卷第四十一